

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-176-8/26
Teočak, 12.02.2026. godine

Na osnovu člana 64. stav (1) tačka b), člana 70., člana 88. i 89. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-176-7/26 od 12.02.2026. godine, ugovor za medijsko praćenje rada Općinskog vijeća, Općinskog načelnika i Općinskih službi za upravu dodjeljuje se najpovoljnijem ponuđaču „Glas Drine“ doo za informisanje Sapna, za ponuđenu cijenu od 10.260,00 KM bez PDV-a. Ukupna vrijednost s obračunatim PDV-om iznosi 12.004,20 KM.

Član 2.

Prijedlog Ugovora dostavit će se na potpis izabranom ponuđaču na adresu „Glas Drine“ doo Sapna, sa sjedištem u ulici Šemsudina Delića bb; 75411 Sapna.

Član 3.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj 02-11-176-1/26 od 30.01.2026. godine. Javna nabavka je provedena putem konkurentnog zahtjeva za dostavu ponuda. Procijenjena vrijednost javne nabavke je bila 10.260,00 KM bez PDV-a.

Komisija za javnu nabavku dostavila je dana 12.02.2026. godine Zapisnik o otvaranju ponuda broj: 02-11-176-6/26, Zapisnik o ocjeni ponuda sa preporukom za izbor najpovoljnijeg ponuđača broj 02-11-176-7/26 od 12.02.2026. godine u postupku javne nabavke medijskog praćenja rada Općinskog vijeća, Općinskog načelnika i Općinskih službi za upravu.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 1 (jedan) i to ponuda od ponuđača „Glas drine“ doo;
- da je blagovremeno zaprimljeno 1 ponuda;
- da nije bilo neblagovremeno zaprimljenih ponuda.

Kriterij za ocjenu ponuda je najniža cijena.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije. Kako se navodi u Zapisniku o pregledu i ocjeni ponuda, po navedenom postupku je pristigla samo jedna ponuda koja ispunjava sve kriterije tražene tenderskom dokumentacijom i ponuđena cijena je u okviru procijenjene vrijednosti.

Uvažavajući navedeno, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stava (1) najniža cijena ponude, Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostavljeno:

- Ponuđaču
- a/a



Općinski načelnik
Tajib Muminović